


**RUPTURA Y DIVORCIO DI
UN PAREHA:
IMPACTO RIBA E YIUNAN**



WWW.SOLODIPUEBLO.COM



SOLODIPUEBLO@GMAIL.COM

**FISCAL DI KHAN DI CPI: TA
MONITOR CRÍMENNAN CONTRA
HUMANIDAD DEN VENEZUELA**



**PROME BISHITA DI
TRABOU DI SECRETARIO
DI ESTADO NOBO DI
RELACIONNAN DI REINO
SEÑOR ZSOLT SZABÓ**



**MINISTER ENDY CROES TA
FELICITA SELECCION DI
ARUBA CU A TITULA CAMPEON
DI CONCACAF GIRLS U15
TOURNAMENT**



**MADURO NO LO
ENTREGÁ PODER
POLÍTICO NA
OLIGARQUÍA FASCISTA**



MINISTER MADURO TA FELICITA SR. RICHENEL BELLO PA SU 25 ANIVERSARIO DEN SERVICIO DI GOBIERNO DI ARUBA



Diahuebs ultimo Minister Maduro di Finansa y Cultura a ricibi sr. Richenel Bello hunto cu su señora y yiu pa felicite pa su 25 aniversario den servicio di Gobierno di Aruba. Richi, manera e ta wordo yama pa su coleganan, ta traha na Departamento di Finansa y pesey pa e ocasion festivo aki tabata presente Director di Departamento di Finansa, sr. Derrick Werleman y Hefe di Presupuesto sra. Jo-Anne Kock.

Minister Maduro a felicita y gradici Richi pa su lealtad pa traha ya pa 25 aña den Gobierno na bienestar di comunidad. Ultimo añanan Richi ta percura pa e presupuesto di Ministerio di Justicia y Asunto Social cual ta un trabou dificil cu Richi ta domina na manera hopi profesional. Su coleganan

a expresa di ta aprecia masha hopi e manera calmo cu Richi ta atende cu tur reto di trabou y cu Richi semper dispuesto pa yuda pa busca un solucion pa problemanan cu ta presenta.

E mandatario a presenta Richi cu su Decreto Gubernamental, carta di felicitacion y hunto un recuerdo y un regalito chikto pa recorda e aniversario importante aki. Di parti di su coleganan, sr Werleman a presenta Richi cu un plakaat como aprecio pa su 25 aniversario di trabou.

Minister Maduro ta felicita Richi y su famia pa tur esfuerzo haci den e ultimo 25 aña y ta spera cu Gobierno por keda conta algun aña mas cu e trabou di Richi na bienestar di Aruba



FISCAL DI KHAN DI CPI: TA MONITOR CRÍMENNAN CONTRA HUMANIDAD DEN VENEZUELA

Fiscal Karim Khan di Corte Penal Internacional (CPI) a bisa cu ta “monitorea” e violacionnan den Venezuela despues di e resultadonan dudoso di eleccion presidencial di 28 di juli. Segun e regimen di Maduro, mas cu 2,000 hende a wordo deteni pa protesta of pone na duda e cifranan cu el'a haya un di tres mandato, apesar di pruebanan cu el'a perde.

Fiscal Khan a declara den un video cu ta “monitorea” activamente e sucedidonan actual y informe di caso di

violencia”.

E oficina ta colabora cu gobierno pa proteha tur hende for di violacion cu por constitui crímenan segun Estatuto di Roma, e tratado cu ta vigente pa e corte aki.

Maduro a anuncia cu e ta remodela of construí dos prison pa opositoran y protestantnan, un ta un menasa contra libertad di expresion.

A invita pueblo pa denuncia esnan cu tin duda di e

resultado di eleccion via un aplicacion di gobierno, y a adverti cu “no lo tin piedad”.

Desde cu CPI a habri investigacionnan despues di eleccionnan di 2017, ainda no tin ningun orden di arresto. Luis Almagro, Secretario di OEA, a resalta importancia di un mensahe fuerte di CPI pa aseguranan cu esnan cu cometi crímenes di lesa humanidad lo wordo huzga y condena.



MADURO NO LO ENTREGÁ PODER POLÍTICO NA OLIGARQUÍA FASCISTA

Presidente di Venezuela, Nicolás Maduro, a declara cu e no lo entregá poder na e oposicion mayoritario, cu e ta yama «oligarquía fascista», despues di e eleccion di 28 di juli.

E Consejo Nacional Electoral (CNE) a ratificá e victoria di Maduro, pero hopi pais no ta reconoce e

resultado. Den un reunion di Consejo di Defensa di Nación, Maduro a enfatiza: E lo no ta entregá e riqueza di patria na imperialismo, no lo ta entregá poder político na e oligarquía fascista».

Maduro a menciona e crisis cu a sigui despues di eleccionnan, cu a inclui

protesta y operacionnan policial cu a resulta den 25 morto y mas cu 2,400 detencionnan, segun informacionnan estatal. E reunion tabata inclui e mihor autoridadnan di institucionnan estatal, unda Maduro a repiti su acusacionnan contra Edmundo González Urrutia, e candidato presidencial di Plataforma Unitaria Democrática (PUD), y líder opositora María Corina Machado. Tur dos a denuncia fraude den e eleccionnan y a pidi pa negocsha pa busca un solucion. Maduro a yama e reunion pa traha un plan



pa reforsa e gobernabilidad y asegura cu lo no tin ningun tipo di entrega di

poder, apesar di e precion internacional y nacional.



Gran parti ela dedica na Unidad di Trafico

DESPUES DI 36 AÑA RAYMUNDO “MEESTER” LOEFSTOP TA BAHAM CU PENSIOEN



MACUARIMA, ARUBA: Recientemente a tuma lugar un encuentro chikito na oficina di departamento di trafico. Coleganan como tambe alto comisario interino sr. Candelaria a bini hunto pa un ocasion special pa despedi di Meester Raymundo Loefstop.

Loefstop mihor conoci como Meester den Cuerpo Policial Aruba ta un persona charesquero, serio y amabel cu a dedica 36 aña sirbiendo su Pais na Cuerpo Policial Aruba.

Pa 33 aña largo loefstop a dedica su mes na departamento di trafico. Su pasion y curason tabata na departamento di trafico di polis. Pa hopi aña loefstop a dedica hopi tempo, a duna sosten na diferente investigacion y sa y leynan di trafico

detalladamente.

Despues di 36 aña loefstop a dicidi a yega e momento pa e bay disfruta di su pensioen. Pero ariba su ultimo dia coleganan a yega hunto pa despedi di dje pero tambe recorda algun momento di alegria y dificil durante su trayectoria policial.

Ela haya diferente regalo pero tambe e ultimo despedida oficial via Central di Polis gradiciendo e pa e 36 aña di dedicacion, tempo, amor y lealtad na Cuerpo Policial Aruba.

Danki Meester pa e añanan di bo servicio, no bay leu nos portanan Semper ta habri pa bo bishita! Gosa di bo pensioen merecidamente di parti bo famia di Cuerpo Policial Aruba.



DTP TA HACI INSPECCION STANDARD RIBA DIASABRA SEGUN SCHEDULE

- Diasabra 10 di augustus 2024, Departamento Transporte Publico (DTP) su section di Inspectie a presenta na aeropuerto como procedura standard di varios diasabra. E tareanan aki ta importante pa mitiga e chens cu ilegalidad y iregularidad tuma luga.

Berdad ta cu a cera e diabierna anterior aeropuerto pa motibo di problemanan tecnico cu airco. Esaki no ta kita cu DTP lo eherce su tarea di diasabra conforme schedule. Alabes a opta pa bin mas tempran pa eventualmente yuda cu logistica te unda tin mester. E intencion, fuera di e proceso di control normal, ta pa tambe recorda e diferente vergunninghouders riba nan obligacionnan conforme locual tin para den nan decreto cu a acepta na momento di acepta un vergunning.

Aparentemente esaki no a cay den bon tera, sigur no cerca esnan cu no tabata cumpliendo cu nan obligacionnan mara na e diferente decretonan. Alabes medianan cu pa otro motibonan tabata na airport a dicidi di saca un relato sin ningun rato acerca DTP su dirigentenan pa verifica si di berdad ta bou orden di gobierno a haci control.

Esaki ta hopi di lamenta, mirando cu e trahadonan di DTP cu hopi entusiasmo ta eherce nan tareanan diario sin mester ser instrui door di gobierno. DTP tin su estructura pa logra e meta pa cual ela keda institui y ta haci esaki cu e capacidad humano disponibel.

Ta lamenta cu no ta acerca pa puntra prome cu publica relatonan cu no ta corecto. Alabes mester remarca cu no mester tin miedo di controlnan ni presencia di DTP, si abo como vergunninghouder sa cu bo documentonan ta na

ordo y tambe cu bo tin disponibel eventual contratonan pa haci e tarea pa cual motibo bo ta na aeropuerto.

Finalisando kier informa cu e trahadonan tabata presente y si a mira por ehempel cu un T/O no tabata tin su nomber riba e vehiculo cual ta para den su decreto of no tin sticker di keuring etc. tabata record'e riba esaki. Igualmente taxi cu no tabata tin señal di taxi riba nan vehiculo, keuringstickers valido, etc. Claro cu esnan cu no a cumpli cu e reglanan stipula segun nan vergunning a ricibi nan rapport cu por tin consecuencia grave pa nan vergunning concerni.

Pa conclui por remarca cu tur dia DTP ta na aeropuerto pa haci su tareanan. Vooral den piekuren cu ya for di varios tempo ta bin ta haci caba.

DTP no a haci nada cu ta



stroba operacion di niun tipo di personenvervoer. Ta di compronde tambe cu si acaso observa algo cu no ta klop p.e. ta visibel cu no tin un sticker di keuring, no tin nomber di e compania ariba e vehiculo T/O, etc. DTP lo asumi su tarea pa adverti e vergunninghouder.

Ta importante pa stop di bagatalisa y/of trata di mina autoridad di un departamento cu a institui pa garantisar nos bishitantenan un transporte adecua y conforme kico nan ta existi y paga p'e.

Minister Ursell Arends: KICO TA PUBLICO.AW?



Gobierno tin e deber di informa Pueblo activamente tocante su maneho. E website di Publico.aw ta un proyecto piloto di Ministerio di Integridad pa percura pa Transparencia Activo den Gobernacion, dunando pueblo informacion gubernamental na un forma accesibel y innovativo.

Actualmente bo por haya hopi informacion di Ministerio di Transporte, Integridad, Naturalesa y Adulto Mayor. Por

ehempel, e edificionan cu e ministerio ta uza, cuanto ta paga na huur, gasto di personal di cada departamento, documento di maneho, rapport y mas. Tambe por wak e funcionnan na cada departamento di Gobierno.

Publico.aw ta habri pa tur ministerio, y e team di Publico.aw lo sigui haci esfuerso pa yega na mas informacion, pa sigui estructura, amplia y desaroya Publico.aw como e standard



nobo den transparencia gubernamental.

Si bo tin sugerencia of comentario, bo por haci uso di e formulario di contacto riba Publico.aw. Asina bo feedback por wordo considera den e desaroyo di e proyecto aki. Hunto nos por haci Publico.aw e sitio principal pa Gobierno di Aruba eherce #TransparenciaActivo.

MINISTER DI ENSEÑANSA Y DEPORTE TA MIRA ATRAS RIBA UN REUNION FRUCTIFERO CU SVGA



Minister di Enseñansa y Deporte Endy Croes a reuni cu director Sra. Els van Homelen y Sr. Dennis Conradus di Stichting Voor Verstandelijk Gehandicapten Aruba (SVGA). Director di Dienst Uitvoering Onderwijs subsidies (DUOS) Sr. Hervé Ruiz tambe tabata presente den e ocasion aki. Durante e reunion a dialoga tocante algun peticion pendiente

di SVGA. A haci un peticion special pa un programa di LVS Doen In, cual ta un programa traha specialmente pa tipo di scolnan aki. E mandatario di Enseñansa a indica cu e programa aki tin su gastonan cu ne y tabata buscando espacio pa acomoda esaki y a priminti di lo yega na un solucion pa esaki.

Ademas di esaki, pa e



prowise borden cu SVGA a ricibi den e proyecto di Edutech di Futura, mester un persona interno cu por atende y maneha esaki. SVGA tin e personal adecua y a presenta un solucion budget neutral, pero tin mester un aprobacion pa por logra hasi esaki

di tal manera. Durante e reunion a informa e mandatario di Enseñansa cu AFAS Software Aruba a yuda nan pa traha un tuinhuis, specialmente pa e tipo di scol aki. Final di augustus lo bolbe reuni pa sigui avansa, soluciona y clarifica tur aspecto

pa cu aña escolar nobo 2024-2025 por continua sin ningun inkietud. Finalmente, e mandatario di Enseñansa ta informa cu e opendag di SVGA lo tuma luga dia 19 di september 2024 y ta invita Pueblo di Aruba pa pasa bishita e scol.

INVITACION PA DUNA UN MAN NA E UNICO CENTRO PASTORAL DI PAIS ARUBA

E benta di e bingo aki ta cay bou di Bingo Aruba, ta pa recauda fondo pa yuda Centro Pastoral Aruba (CPA) y Pastoral Hubenil Aruba (PHA) y ta den full swing. Nos ta den e ultimo dlanan prome cu e bingo tuma luga diasabra 24 di augustus pa 7 pm via Cable Canal 48 Diario TV.

Ya caba por haya bingo cumpra na balor di Afl.10,00 na e siguiente puntonan di benta: Shiribana Bingo Center na Paradera y Queen Euro Bingo Center na Noord.

Diasabra 17 di augustus e punto di benta ta e aula di CPA, bo por pasa cumpra bo bingo den tur tranquilidad y haya mas informacion. Ta uza e porta pabou di parkeerplaats di misa di Santa Cruz y e orario ta 10 am – 12 pm y 4 pm – 6 pm.

Ban duna un man na e unico Centro Pastoral di pais Aruba, cual ta wordo uza pa hopi actividad di mucha, hoben, adulto y pareha, tanto local como internacional y di indole educacional, cultural, social, spiritual y di formacion.




**Bin compra bo bingo pa bo ta den wega
24 di augustus 2024**

Diasabra 17 di augustus

HUNGA, GANA & YUDA

Mainta 10'or - 12'or
Atardi 4'or - 6'or

na Centro Pastoral Aruba
Santa Cruz

Porta Pabou di parkinglot dilanti misa
Immaculada Concepcion Santa Cruz

Danki pa yuda Centro Pastoral Aruba &
Pastoral Hubenil Aruba

Pa mas info contact 565-7170

Prome Minister Evelyn Wever-Croes: PROME BISHITA DI TRABOU DI SECRETARIO DI ESTADO NOBO DI RELACIONNAN DI REINO SEÑOR ZSOLT SZABÓ



– Dialuna mainta 12 di augustus, Prome Minister Evelyn Wever-Croes a reuni cu e Secretario di Estado nobo di Relacionnan di Reino y Digitalisacion, señor Zsolt Szabó. Recientemente ya e dos mandatarionan a cera conoci via un reunion virtual, pero esaki tawata e prome biaha cu Prome Minister y e Secretario di Estado a topa personalmente.

Secretario di Estado Szabó a wordo acompaña pa un delegacion di Hulanda y tambe tawata presente representante di VNO (Vertegenwoordiging van Nederland in Oranjestad), señor Vincent Storimans, y representante di VNACS (Vertegenwoordiging van Nederland in Aruba, Curaçao en Sint Maarten), señor Edson Hato.

Despues di e reunion cu Prome Minister, a sigui

un reunion cu Consejo di Minister di Aruba despues a duna un presentacion di e Landspakket na e Secretario di Estado. Ademá di e reunion cu Prome Minister di Aruba y Consejo di Minister, Secretario di Estado Szabó tambe a reuni durante su bishita na Aruba cu Gobernador di Aruba, S.E. Alfonso Boekhoudt, cu Presidente di Parlamento señor Edgard Vrolijk y lidernan di fraccionnan den Parlamento.

Esaki ta e prome bishita di trabou di e Secretario di Estado nobo na e islanan di Reino den e parti Caribeño. E prome bishita aki ta principalmente pa e Secretario di Estado conoce e islanan y e mandatarionan. Secretario di Estado Szabó ta na Aruba for di 11 pa 13 di augustus y despues lo biaha pa Corsou y Boneiro.

SECRETARIO DI ESTADO ZSOLT SZABÓ TA HIBA UN BON IMPRESION DI ARUBA

Secretario di Estado Szabó a expresa di ta impresionado con Prome Minister ta wak e futuro di Aruba, esaki cu un punto di bista riba termino largo cual ta algo cu su persona tambe ta haci na Hulanda.

“Secretario di Estado Szabó a remarca cu e ta hopi agradecido na Aruba pa e hospitalidad. El a conoce y combersa cu hopi hende amabel y esey a dun’e diferente perspectiva riba varios punto importante.

E reunionnan a bay hopi bon. A haci palabracionnan di con den futuro lo bay traha y comunica cu otro, sperando cu lo sigui cu e bon relacion di trabou y e cooperacion entre e dos paisnan”, Prome Minister a indica.

Minister Rocco Tjon:

REUNION STRUCTURAL CU SINDICATO DI POLIS DI ARUBA TOCANTE VARIOS TOPICO PA CU CUERPO POLICIAL DI ARUBA



Diabierna mainta, un reunion sumamente Minister di Husticia y Asuntonan Social sr. Rocco Tjon, a reuni cu Sindicato di Polis di Aruba (SPA), un reunion sumamente positivo caminda a duna splicacion riba diferente punto, principalmente uniform pa Cuerpo

Policial.

Manera ta conoci, tur diabierna Ministerio di Husticia y Asuntonan Social tin e espacio habri, pa reuni cu SPA, pa delibera diferente puntonan. A toca e parti di uniform pa Cuerpo Policial, cual ta un punto di preocupacion pa SPA, di cual a haya un splicacion amplio di e proceso pa loke ta trata e parti aki.

Recientemente e pago a wordo haci na e compania di Hulanda cu a gana e destaho, y a conta cu e preferencia di Cuerpo Policial. Pues, si tur cos cana segun planeamento, pa december di e aña aki, e uniformnan aki lo wordo entrega.

Tur e midinan a wordo manda pa e compania, pa asina nan por cuminsa fabrica e uniformnan. Otro topico cu a toca, ta e parti di trafico, e proyecto

di “takel en bewaardienst” ta andando, caminda un compania externo ta bay maneha henter e proceso aki pa Cuerpo Policial. Di e forma aki, ora un Agente Policial tuma nota cu un auto no ta cumpli cu e rekisitonan nan por kita e auto aki for di caminda y e ta wordo hiba na e compania aki, cu ta cumpli cu tur e criterionan segun ley. Asina lo bay garantiza mucho mas seguridad den trafico, e contract ta cla y lo wordo revisa aworaki.

Ademas a papia tocante e mobile dataterminals. Manera ta conoci, Cuerpo Policial a haya vehiculonan completamente nobo, y un di e puntonan cu a percura pa hinca den e destaho ta, pa por bay instala e mobile dataterminals, cual ta computernan cu lo wordo instala den e autonan di Polis, pa asina nan por brinda un miho servicio y alabes ricibi mas informacion pa di e

forma ey eleva nan propio seguridad. E proceso aki a cuminsa caba, caminda e oferta pa loke ta trata e proyecto piloto a wordo entrega y dentro di poco lo cuminsa cu e instalacion di e prome vehiculonan cu e mobile dataterminals.

Por ultimo, a papia tocante e proyecto di portofoon, cual ta uno sumamente importante tambe pa Cuerpo Policial y ta forma parti tambe di e Operation Command Center.

Tur cos ta canando segun planeamento y e comision cu a cana henter e proceso aki, a haci nan escogencia y pa oktober di e aña aki tur portofoon lo wordo entrega na Cuerpo Policial. Pa prome bes a scoge esaki, caminda cada Agente Policial lo haya su propio portofoon pa asina por garantiza mas integridad pa loke ta trata e aspecto aki pa e Agentenan Policial.

MINISTER ENDY CROES TA FELICITA SELECCION DI ARUBA CU A TITULA CAMPEON DI CONCACAF GIRLS U15 TOURNAMENT



Diadomingo mainta, tabata reina un ambiente total den Stadion GPT na Dakota, unda cu a tuma luga e partido final di futbol Concacaf Girls U15 Tournament organisa pa Concacaf. Minister Endy Croes acompaña pa su kerida esposa Dilailah Croes - Odor a presencia e suspenso di e wega final entre Seleccion di Aruba y Seleccion di St. Lucia cu a bataya duro pa conquista e titulo maximo di e torneo. Pa prome bes den historia, Concacaf Girls U15 Tournament a tuma luga na Aruba, unda cu 11

pais a competi. E torneo a inicia dia 1 di augustus y a clausura dia 11 di augustus. Un publico grandi tabata presente pa duna Team Aruba apoyo y sosten.

Un tremendo y emocionante partido cu a termina 1-1 den tempo reglamentario. Den extra tempo, Zyana Rogers ta score e gol ganado, unda cu Aruba a gana 2-1 y a titula campeón di Concacaf Girls U15 Tournament na cas.

E Most Valuable Player (MVP) di e torneo ta Zyana Rogers. "Masha pabien

na Seleccion di Aruba, coaching staf, fanaticada y e mayornan. Palabra di danki na Arubaanse Voetbal Bond (AVB) pa tuma e curashi pa organisa e campeonato internacional aki y danki na tur cu a aporta pa logra e "milestone" bunita aki den un stadion cu ta den e fase final di renobacion. Deporte ta den desaroyo y Aruba ta avansando den tur sentido", Minister Endy Croes a expresa. Cu deseo, disciplina, dedicacion y determinacion boso a logra. Aruba ta sumamente orguyoso di boso!



Accidente den birada na e caminda smal di Noord pa Turibana



Diadomingo mainta a drenta informe di un accidente riba e caminda di Noord pa

Turibana, mesora a dirigi un patruya na e sitio. Na yegada di e patruya a bin

compronde cu aki ta trata di un accidente den un di e biradanan di Noord

pa Turibana unda entre un Honda Accord y un Toyota Altezza unda nan a dal den

otro den e birada. Afortunadamente ningun hende a resulta herida.

POLIS A DETENE DAMA TURISTA CU PROBLEMA DI SALUD MENTAL TA CAUSA PROBLEMANAN NA SAVANETA



Diadomingo tardi a drenta informe di cu tin un dama buscando problema cu tur hende y hasta a causa un accidente na Savaneta, mesora a dirigi un patruya na e sitio. Na yegada di e patruya a bin compronde cu ya caba e dama aki a bay for di e sitio den un auto sin number. Via via e Savane-

teronan a logra haya sa cu e dama ta un turista pero parce e lo tin problema di salud mental y ta hospedando na un airbnb no mucho leu. Polis a bay na e adres y a haya e auto scondi patras di e apartamento y a wak e dama, mesora nan a acerke y a detene. Ademas a confisca su auto.

SABIDURIA DEN NOS ALEGRRIA

Skirbi pa Ruthy”Lady Ruth” Vrieswijk-Bergen



Nos ta bay bek un crenchi den tempo awe, manera priminti algun siman pasa, dia nos a reanuda nos skirbimento di relato, despues cu e laptop a cuminsa traha bon bek. Nos ta bay dal un keiro na Hulanda, Tilburg, den e luna di Juni 2024, dia cu tawatatin e celebracion di “Dera Gai”y prome cu e dushi fiesta ey a cuminsa, tawatatin un “Hersengymnastiek” cu participacion di 6 of ta 7 grupo di 5 persona cada grupo. Mi casa y ami, tawata na Hulanda pa pasa vakantie cu nos yuinan y nos nieta y nietonan y a wordo invita dor di nos yui pa join traha nos grupo pa participa den e Hersen-

gymnastiek. Y asina a sosode. Nos tawata tin dos grupo di 5 persona cada un , y nos grupo consistiendo di Opa, Oma, Manuh, Edward y Rene a sali como ganador maximo y a acepta nos bunita trofeonan cu hopi alegria. Nos grupo tawatatin e number :”Jolly Pirates”. Na di dos lugar a sali ganador “Biba dushi” y na di tres lugar e grupo di mi otro yui homber bau di e number “ Breindhoven”. Tawata un dushi atardi hopi gezellig mes, cu benta di dushi pastechi, croket y sopi oester e.o. y refresco pa refresca e garganta. Lady Ruth tawata hopi contento di a topa cu Sra.Lourdes

Martis Bermudez “Uti”, cu tambe tawata cu vakantie na Hulanda cu su famia, y kende a guia pa un tempo e museo “Cas Tantin” den curason di Noord na Aruba cu hopi amor y carino. Nos por a goza di Sr. Luis Figaroa, cu a toca su acordeon trese hopi dushi ambiente e atardi ey na Tilburg, despues cu Sr. Sidney Kock a hiba palabra den nomber di ministro Ady Thijssen. Hopi tawata esnan cu a bayla cu e palo den nan man pa gara e gai. Sra. Rasnaly Carti a dirigi full e programa di e Hersengymnastiek cla y raspa cu ayudo di su asistentenan, y Lady Ruth a sinia hopi e atardi ey, di e preguntanan interesante cu a wordo lanza. Tawata un atardi hopi pret cu hopi harimento y un ambiente dushi entre e arubianonan y otronan cu tawata presente. Leu foi cas, pero cu curason pa un di nos tradishonnan cultural “Dera gai”. Nos ta conclui nos relato mandando un pabien diki gordo grandi pa tur, pero tur e zuster y broedernan di Wit Gele Kruis, Zorgwijk, Paradera y tur den e otro barionan, cu ta carga e organizacion aki hasiendo nan trabao cu hopi amor y carino pa cu e cuido pa e.o.nos grandinan na cas. Nan ta move di bario pa bario y ta hasi un excelente trabao ! E fundacion Wit Gele Kruis a caba di celebra nan di 65 anivsersario ! Ora Lady Ruth a bay cumpli cu e parti financiero pa e cuido di su dushi grandinan, ela bin topa cu e lugar tur na blaas y e number 65. Lady Ruth a hanja un cupcake masha bunita dorna y masha dushi mes y a sinti nan alegria den nan celebracion ! Esaki ta pa nan :”WIT GELE KRUIS 65 ANIVERSARIO 28 JULY 2024

W it Gele Kruis cu 65 anja di existencia
I n igualabel den nan bon trabao pa comuni-



dad
T ur nan zuster y broedernan ta traha cu amor pa nan prohimo
G randi den nan pasenshi
E trabaonan ta keda cla
L eu of serca den bario nan ta
E atencion cu carino duna



oranan di mainta tempran
S honnan, danki pa boso bon trabao, pa boso nos ta bati man !
Danki pa lesa nos relato di e siman aki. Pasa un dushi dia yen di sabiduria den nos alegria !

<div></div> <div>Paardenbaaistraat 10, Oranjestad, Aruba Tel.: (297) 525 - 7555</div> <div>www.lottoaruba.com</div> <div>Resultado : Sorteo 12 Aug 2024 Merdia</div>		
<div></div> <div>Sorteo # 4355</div> <div>2226</div> <div>5369</div> <div>4673</div> <div></div> <div>X2</div> <div></div> <div>Sorteo # 4355</div> <div>3337</div> <div></div> <div>X2</div> <div></div> <div>Sorteo # 2411</div> <div>6829</div> <div></div> <div>Sorteo # 4355</div> <div>7598</div> <div>Aries</div> <div></div> <div>Sorteo # 1229</div> <div>483</div> <div></div> <div>X2</div>	<div></div> <div>Sorteo #</div> <div>0 x Jackpot</div> <div>0 x Match 4+</div> <div>0 x Match 4</div> <div>0 x Afl. 12,00</div>	<div>Joker</div> <div>Letter</div> <div>Proximo Jackpot</div> <div>185.000,-</div>
<div></div> <div>Sorteo #</div> <div>0 x Jackpot</div> <div>0 x Match 4</div> <div>0 x Afl. 8,00</div>	<div>Proximo Jackpot</div> <div>62.000,-</div>	
<div></div> <div>Sorteo #</div> <div>0 x Jackpot</div> <div>0 x match 4</div> <div>0 x Afl. 500,00</div> <div>0 x Afl. 50,00</div> <div>0 x Afl. 15,00</div>	<div>Mega Ball</div> <div>Proximo Jackpot</div> <div>550.000,-</div>	
<div></div> <div>Afl. 825.000,-</div>		
<div></div> <div>Sorteo #</div>		<div></div>

Polis a detene hoben cu kier bringa y a menasa polis y tambe un bouncer!

Diadomingo madruga a drenta informe di cu tin un hoben cu lo ta bringando y a menasa polis y tambe un bouncer na Palm Beach,

mesora a dirigi patruya na e sitio. Na yegada di e patruya nan no a logra hay'e pero despues di un rato si a logra ga'e y a detene



POLIS Y AMBULANS A BAY NA UN CLUB NOCTURNO NA PALM BEACH PA UN CASO DI MALTRATO



Diadomingo madruga a drenta informe di un caso di maltrato cu un persona herida na un club nocturno na Palm Beach, mesora a dirigi tanto polis como ambulans na e sitio. Na yegada di e patruya a bin comprende cu aki lo ta trata di un team di futbol cu a bay sinta bebe na e club y a haya nan den un problema unda un miembro di seguridad a bay interveni pa para e cos pero e problema a escala y e security lo a dal agrediendo un di e deportistanan na su cara lagando e herida. Na yegada di e ambulans nan a atende e victima. Na e momentonan ey polis no por a tuma ningun declaracion ya cu nan tur tabata bura-chi. Polis a bisa e deportista cu si e ta desea dialuna e por bay entrega keho na recherche.



PUEBLO A HAÑA SU PEN BEK

Pa kualkier informacion
solodipueblo@gmail.com
of
585-9500

5 TIPS PA DOÑONAN DI MASCOTA DURANTE MAL TEMPO


1. Tinea un "humidifier safety plan" pa bin familia na propoia y inclui bo mascota den e plan. Pasa nan cu bo ta haci uso di dje pero "better be safe than sorry". Clima e escenario di e temporada pa un "worst case scenario" y prepara pa por check e plan aki na cualquier momento teniendo cuenta cu tur cos cu bo ta haci lo mester ta facil y accesible pa por cuenta pa 24 horas, pa:
2. Pasa pa bo mascota tin un control pa periodo pa mas
3. Pasa pa bo mascota tin un comida cu e por come sigur si e haye stress di tempo cu stress
4. Pasa pa bo mascota cu vacunacion ta up to date pa nan ta bon proteta contra malhechos infelices cu por sangi especialmente ora awa yode hopi
5. Pasa pa bo mascota tin un microchip. Mandel un banchi cu su identificacion pa yuda pa un caso a mascota perde a banchi aki, por traha e info bala na e microchip, control cu bo info ta up to date

Un pet carrier
Un katibek cu su velling
Saco di plastic pa prima nan cachu aden
Extra leash
Un coy hunda
Baki di vasaio
Sikens un potret di bo mascota

I ♥ PET
Shima Mi Mascota

Ruptura y divorcio di un pareha:

Impacto riba e yiunan



E ruptura di un pareha por ta un di e experiencianan mas doloroso den bida di un individuo. Ora cu e ruptura aki formalisa den un divorcio, e impacto no ta limita solamente na e adoltonan involvi. E muchanan cu ta forma parti di e famia tambe ta sinti e efectonan di e cambio aki. Ta esencial pa comprende e complicacionnan di e situacion y con pa maneha e situacion na un manera adecua pa mitiga e daño emocional cu e por causa na e chikitonan.

1. Realidad di divorcio

Divorcio ta un proceso legal cu ta dissolve un matrimonio, pero su implicacionnan ta bay hopi mas leu cu e aspectonan legal. E ta encasar emocionnan intensivo manera tristesa, rabia, confusion y den algun caso alivio. Pa e mayornan, e decision pa separa ta tuma lugha despues di un periodo largo di reflexion y conflicto. Sinembargo, e muchanan hopi biaha ta meymey di e tormenta emocional aki sin comprende completamente e motibonan tras di e separacion.

2. Efecto emocional riba e mucha

E muchanan por experiencia un cantidad di emo-

cionnan contradictorio durante y despues di e divorcio. Algun di e reaccionnan emocional mas comun ta inclui:

- **Tristeza y duelo:** E muchanan por sinti cu nan ta perdiendo e "famiia completo" y experimenta un duelo similar na loke nan ta sinti cu un perdida.
- **Confusion:** Hopi biaha e muchanan no ta comprende dicon nan mayornan no ta biba hunto mas y nan por puntra repetidamente tocante e motibonan di e separacion.
- **Culpa:** Ta comun pa e muchanan sinti nan mes responsabel pa e ruptura, creyendo cu nan actonan of comportacion a hiba nan mayornan pa separa.
- **Ansiedad:** Instabilidad emocional y rutina nobo por causa ansiedad, ya cu muchanan ta confronta cu un futuro incierto y adaptacion na situacionnan manera custodia comparti.

3. Impacto riba e comportacion

E cambianan emocional cu muchanan ta experimenta tambe por manifesta nan mes door di cambianan den nan comportacion. Algun di e kambionan aki por inklui:



- **Dificultadnan academico:** Tristesa y distraccion por afecta e rendimiento escolar, haciendo cu muchanan tin dificultad pa concentra riba nan estudio.
- **Isolamento social:** Por ta cu nan ta aleha di amigo- y actividadnan cu antes nan tabata disfruta, cu por conduci na un sentimiento di soledad.
- **Comportacion regresivo:** Algun mucha por bolbe na comportacionnan mas infantil, manera chupa nan dede of tin accidente ya cu nan ta busca consuelo den tempo di incertidumbre.

4. Con mayornan por yuda
E manera cu e mayornan ta maneha separacion por tin un impacto significativo

riba con nan yiunan ta procesa y supera e cambio aki. Aki ta sigui algun strategia pa yuda muchanan durante divorcio:

- **Comunicacion habrí:** Ta crucial pa e mayornan mantene un comunicacion honesto y habrí. Nan mester splica e situacion na un manera apropiada pa e edad di e muchanan, sigurando nan cu nan no ta responsabel pa loke a sosode.
- **Provee estabilidad:** Mantene rutinanan di tur dia y un ambiente stabiel por yuda muchanan sinti

sional: Tin biaha e muchanan por beneficia di papia cu un especialista den salud mental cu por yuda nan procesa nan emocionnan y ofrece nan hermentnan pa enfrenta cambio.

5. Speransa despues di divorcio

A pesar di e dolor y e dificultadnan cu divorcio ta trece, ta posibel cu e muchanan eventualmente lo haya resiliencia pa adapta na nan realidad nobo. Cu tempo y sosten adecua, hopi mucha por siña nabega nan emocionnan y sali dilanti, de-

nan mas sigur. Esaki taifica cu mester tin orario clapa bishita- y actividadanan.

- **Promove relacionnan positivo:** Anima muchanan pa mantene un relacion saludabel cu ambos mayor ta esencial. Mayornan mester traha hunto, den e miho manera posibel, pa muestra nan cu nan tur dos ta stima nan sin importa e situacion.
- **Busca sosten profesional:**

saroya habilidadnan cu lo yuda nan den futuro.

Na final, e ruptura y divorcio di un pareha tin un impacto significativo riba e muchanan. Abordando e situacion cu empatia y atencion na nan necesidadnan emocional, e mayornan por yuda nan yiunan pasa door di e momento dificil aki, promove nan bienestar y salud mental riba termino largo.

STICHTING
BLOEDBANK
ARUBA

**BO SANGER
TA SALBA BIDA!**

☎ 587 0002
f StichtingBloedbankAruba


Registra pa bira donante na www.bloedbankaruba.aw

POLIS A DETENE CHAUFFEUR BURACHI CU A PASA BANDA DI ASISTENCIA Y A HERA DAL POLIS CU AUTO



Diadomingo madruga ora cu polis tabata atendiendo cu un caso di brin-gamento na Palm Beach a pasa un auto banda di caminda y a hera dal e polis, mesora nan a abay su tras y a logra pare.

Polis a nota cu e chauffeur ta burachi y a de-tene.





OLIVE TREE'S
PRE-PAID
FUNERAL PLAN

PAY AS YOU CAN

Piedraplat ☎ 582 0000
Sanicolaas ☎ 584 8888 | 5820000
Habri dialuna pa diabierne | 8:00am-4:00pm

Olive Tree Social Department ☎ (+297) 743 7411
www.olivetreefuneralhome.com

SUDOKU

	7			6				9
6			5				8	
		4				7		
	3				6			
2				5				8
			4				1	
		3				4		
	2				7			3
1				8			2	

8			3					
3					5			
		9	1		4			
	4			8		7		
6								2
		8		2			3	
			7		9	6		
			2					5
					8			4

'RESEARCH AMONG CARIBBEAN STUDENTS INTO THE SENSE OF BELONGING'



What makes Caribbean students feel at home in the Netherlands? Which factors play a role in this? What can students do to feel good and how can educational or government organizations contribute to this? These questions were investigated by Jelano Hendriksma in his internship research: 'Exploring the Sense of Belonging of Dutch Caribbean students in the Netherlands.'

In-depth interviews
The master's student of Management, Policy Analysis and Entrepreneurship in the Health & Life Science did his research at the Vrije Universiteit Amsterdam. Under the guidance of Durwin Lynch, coordinator of the master's program of the same name, he designed a study over the past five months and conducted in-depth interviews with twelve Caribbean students in the Netherlands. The results have been shared with the two clients: WeConnect Foundation and Athena Research, the research institute of the VU.

Different profiles
The twelve students are all following a HBO or WO course in the Netherlands, ranging from Arts & Culture in Maastricht, Aviation in Amsterdam, Healthcare Technology in Rotterdam,

Business Administration in Groningen or Social Work at the Hogeschool Arnhem & Nijmegen. "Unfortunately, we were unable to find MBO students in time, who would also have been valuable for the research. They are more difficult to find because they often come to the Netherlands as freemovers without guidance." notes WeConnect manager Tanja Fraai
Geographical distribution
The perspective of students outside the Randstad (Amsterdam, The Hague, Rotterdam, Utrecht) was different, as Jelano noted in his research. The barriers to achieving that feeling of home are more numerous there. Students are more often victims of discrimination and racism, including forms of microaggression, whether consciously expressed or not. Sometimes out of ignorance or lack of interest in the other.

Recommendations
The student researcher broke down his recommendations; For WeConnect, for example, we must continue to create safe places where students can discuss these types of sensitive topics with each other. Educational institutions would do well to work with culturally sensitive mentors. On the islands themselves, schools should pay more attention to this part of the prepara-



tion for the Netherlands; the completely different environment that the student finds himself in and is sometimes seen as an outsider. Finally, students themselves are advised to participate in (student) associations, to talk to each other and to reflect on their identity and how they feel in the Netherlands.

Follow-up
If it is up to internship supervisor Durwin Lynch from the VU, there will be a follow-up study on this theme: "Based on the current findings, a contextualized questionnaire can now be further developed and validated. This offers the opportunity to gain more insight into experiences of exclusion and how this relates to mental health and study success of a broader group of Caribbean students and young professionals.

Finally, I wonder what the best way is to safely register and monitor the study results of our students, without engaging in ethnic profiling. How do we honestly find out that things will improve for our students in the coming years?"

WeConnect manager Tanja Fraai agrees: "Due to privacy, it is difficult to map and follow students. We have to build on our network and one-on-one contacts.

Above all, it is a matter of the trust they give us to talk openly about these types of topics. We will continue to work on this in the coming years."

The entire study 'Exploring the Sense of Belonging of Dutch Caribbean students in the Netherlands.' can be read here (in English).



STICHTING VOOR VOLKSHYGIËNE VAN
Het Wit Gele Kruis Aruba
Sinds 1959 ten dienste van de Arubaanse gemeenschap
Postbus 486, Oranjestad

Cu inmenso tristeza na nos curazon, directiva,
staff y personal ta participa fayecimento di:



Sra. Vda. Petra Maria Labad-Tromp

Mama di nos Colega Monique Giel-Labad.

Nos ta extende nos mas profundo
condolencia na demas famianan y hopi forza
den e momentonan difcil aki.

Cu Petra drumi dushi den brasa di Señor

FORTALEZA PA FAMILIA

Scirbi pa Pastor Marcel Balootje.

CRISTO HESUS A PRIMINTI, Y AWOR NOS TIN CU PREPARA



Un di e promesa nan di mas bunita cu Cristo Hesus a duna nos ta para scirbi ta Juan 14:1-4 bisando:

No laga boso curason bira intransigible: kere den Dios, kere tambe den Mi. Den cas di Mi Tata tin hopi luga di biba, si no tabata asina, lo Mi a bisa boso, pasobra mi ta bay pa prepara un lugar pa boso. Y ora Mi bay y prepara un lugar pa boso, lo Mi bin atrope y ricibi boso serca Mi, pa caminda Aminta, boso tambe por ta. Y boso sa unda Mi ta bay, y e caminda boso ta.

E manera cu mundo ta bibrando, criminalidad, inmoralidad, gera y terrorismo cu ta creciendo tur dia, ta haci hende intransigible, pasobra esun cu no ta kere den Cristo no tin e speranza di bay cune, na e momento cu E presenta riba e mundo, ta pesey tambe Señor ta spierta tur hende den Lucas 21:34 bisando:

Tene cuidao pa boso curason no ta carga pa causa di paranda, y buracheria, y e preocupacion di bida, y e dia ey no bin diripiente, riba boso manera un trampa: pasobra e lo bini riba tur

esnan cu ta biba riba superficie di mundo.

Ma sea alerta tur ora bay, haciendo oracion pa boso por tin, forsa pa scapa di tur e cosnan aki, cu ta bay tuma lugar, y para dilanti di e Yiu di Hende.

Awor tur hende por mira cu mas claridad locual Dios a priminti den Juan 3:16, pero ya caba nos a cuminsa sinti e efecto di Juan 3:36.

Pesey nos Dios bondadoso a laga e promesa grandi pa nos bisando: Pesey si un hende ta den Cristo, ta un criatura nobo e ta: e cosnan bieu a pasa caba: ata: tur cos a bira nobo. (2 Corintionan 5:17).

Y Dios ta bolbe confirma esey na nos den Romanonan 8:1-4 bisando: Cu no tin condenacion pa esnan cu ta den Cristo Hesus.

Clasificados

SOLODIPUEBLO@GMAIL.COM

CEL. 585 9500



Obituario



Publica serka nos anuncio di fayecimento di bo ser keri.
Nos tin 2 pakete pa ofrece;

Pakete 1: Anuncio di fayecimento te dia cu e defunto ser dera

Gradicimento y invitashon pa misa pa 3 dia AFI 250,00

Pakete 2: Anuncio di fayecimento te dia cu e defunto ser dera

Gradicimento y invitashon pa misa pa 3 dia

Na Canal 22 1x prome cu Noticiero 22 Afi 400,00

Pa mas informashon por tuma contacto cu oficina na
585-9500 of na 741-4554

ORACION DI DIA



Un feliz siman yena di bendicion, gracia, amor y paz di Señor

El a hisa su cara na shelo y a gradici Dios. (Mateo 14,19)
Rumannan nos tur conoce kico ta nifica un situacion basta preta p.e.

un ocasion den cual nos recursonan ta hopi limita. Kiermen si nos ta confia solamente riba nos capacidad of nos recursonan nos lo keda desampara. Pero Hesus si por dirigi e situacionnan aki. Ta trata di cuanto hende? Nos no sa, pasobra e cifranan ta simbolico.

Den Bijbel "diesdos" ta muestra nos riba e diesdos tribonan di Israel. E diesdos macutonan cu e pida panan cu a resta ta muestra nos riba e diesdos tribonan di Hesus su Israel nobo. E manera cu Hesus a tuma e pan y a bendicion'e lo mester recorda tur Cristian riba nos celebracion di

Eucaristia. E fiesta aki den aire liber ta un prefiguracion di nos Eucaristia, cu Hesus mes meymey di su pueblo. Den e revelacion biblico e cuminda ta expresa e bida cu Dios ta duna su pueblo.

E mana cu e pueblo a come despues di a sali for di Egipto y awa cu nan a bebe na Horeb y hopi otro realidadnan simbolico ta un prefiguracion di e don cu ta sali for di boca di Dios loke a keda cumpli den Hesus Cristo.

Oracion: Mi Señor y mi Dios, gloria na
Bo Señor Hesus.
Amen